



ІШКІ ТӘРТІП ЕРЕЖЕЛЕРІ «ASTANA JAS» футбол мектебінде жаттығатын балалардың ата-аналары (заңды өкілдері) үшін

Осы Ережелер «футбол мектебінде (бұдан әрі — ФМ) ASTANA JAS» жаттығатын балалардың ата-аналары (заңды өкілдері) үшін міндетті болып табылады және ФМ аумағында, сондай-ақ жаттығу сабақтары, матчтар, жарыстар, оқу-жаттығу жиындары және өзге де спорттық-бұқаралық іс-шаралар кезінде қолданылады.

Осы Ережелердің мақсаты — балалардың қауіпсіздігін қамтамасыз ету, тәртіпті сақтау, оқу-жаттығу процесінің тиімділігін арттыру және ФМ-де сыйластыққа негізделген орта қалыптастыру.

1. Медициналық рұқсат және денсаулық үшін жауапкершілік

1.1. Баланың денсаулық жағдайы үшін ата-аналар (заңды өкілдер) толық жауапкершілік алады.

1.2. Сабақтар мен жарыстарға футболмен айналысуға жарамды екендігін растайтын қолданыстағы медициналық рұқсаты бар балалар ғана жіберіледі.

1.3. Ата-аналар жаттығулар басталғанға дейін медициналық анықтама-рұқсат ұсынуға міндетті.

1.4. Медициналық рұқсаттың болмауы немесе оның шынайы еместігі салдарынан туындаған жағдайлар үшін ФМ және жаттықтырушылар құрамы жауапкершілік көтермейді.

2. Қауіпсіздік

2.1. Ата-аналар баласына қауіпсіздік техникасының негізгі ережелерін түсіндіруге міндетті.

2.2. Жаттығулар мен матчтар кезінде қорғаныш жіліншікқаптарын (щиток) пайдалану міндетті.

2.3. Сабақ басталар алдында сағат, сақина, білезік, алқа және басқа да әшекей бұйымдарды шешу қажет.

2.4. Футбол қақпасына қол тигізуге, оны жылжытуға, оған асылуға немесе мақсатсыз пайдалануға қатаң тыйым салынады.

2.5. Баланың қауіпсіздік ережелерін сақтауына ата-аналар (заңды өкілдер) жауапты.

3. Қатысу және уақыттылық

3.1. Ата-аналар баланың жаттығуларға тұрақты әрі уақытылы қатысуын қамтамасыз етуге міндетті.

3.2. Дәлелді себепсіз жаттығуға кешігу тәртіп бұзушылық болып саналады.

3.3. Жаттығудың дайындық бөлімі міндетті болып табылады. 3.4. Жазғы кезеңде дәлелді себепсіз сабақтарды өткізіп алу рұқсат етілмейді, себебі бұл кезең елімізде және қаламызда ашық алаңда тиімді жаттығу жүргізуге ең қолайлы уақыт болып табылады. Дәл осы жаз мезгілінде ауа райы мен футбол алаңдарының жағдайы жаттығу процесінің барынша нәтижелі өтуіне мүмкіндік береді.

4. Экипировка

4.1. Ата-аналар баланың толық әрі тиісті жаттығу немесе ойын экипировкасының болуын бақылауға міндетті.

4.2. Қажетті экипировкасы жоқ ойыншы жаттығуға немесе матчқа жіберілмеуі мүмкін.

4.3. Экипировканың болмауына ата-аналар толық жауапты.

5. Су ішу режимі және тамақтану

5.1. Ата-аналар баланы жеткілікті мөлшерде таза ауыз сумен қамтамасыз етуге міндетті.

5.2. Сабақ кезінде газдалған және тәтті сусындарды (шырындар, морс, компоттар) ішуге тыйым салынады.

6. Баланың тәртібі мен мінез-құлқы

6.1. Бала жаттықтырушының нұсқауларын орындауға және тәртіп сақтауға міндетті.

6.2. Тәртіп бұзған, агрессивті немесе құрметсіз мінез-құлық көрсеткен жағдайда жаттықтырушы: ойыншыны жаттығудан немесе оның бір бөлігінен шеттете алады; матчқа қатыстырудан бас тарта алады.

7. Ата-аналардың мінез-құлқы

7.1. Ата-аналарға жаттығу кезінде футбол алаңында және оның маңында болуға тыйым салынады.

7.2. Ата-аналарға жаттығу және ойын процесіне араласуға, балаларға нұсқау беруге тыйым салынады.

7.3. Тыйым салынады:

- агрессивті, жанжалшыл немесе бейәдеп мінез-құлық;
- балалардың көзінше жаттықтырушы шешімдерін ашық сынау;
- жаттығулар мен жарыстарға кедергі келтіретін кез келген әрекеттер.

8. Психологиялық қолдау

- 8.1. Жаттығулар мен матчтардан кейін ата-аналарға баланың қателіктерін талқылап, оның ойын әрекеттерін түзету ұсынылмайды.
- 8.2. Ата-аналарға жас футболшыларды соғылған голдар үшін сыйлықтармен, ақшалай марапатпен немесе басқа да жеке ынталандыру түрлерімен мотивациялауға тыйым салынады. Мұндай тәжірибе командалық ойынға және тактикалық ойлаудың қалыптасуына кері әсер етеді, себебі баланың назарын командалық мақсаттардан жеке пайдаға аударады.
- 8.3. Ата-ананың негізгі міндеті — баланы қолдау, оны тыңдай білу және футболмен айналысуға оң мотивация қалыптастыру.

9. Сабақ ақысын төлеу

- 9.1. Ата-аналар алдағы ай үшін сабақ ақысын ФМ белгілеген мерзімде уақытылы төлеуге міндетті.
- 9.2. Уақытылы төлем жасау оқу шарттарымен келісуді білдіреді.
- 9.3. Сабақ ақысын тоқтату, қайта есептеу немесе көшіру құжатпен расталған дәлелді себептер (ауру, жарақат) болған жағдайдан басқа кезде қарастырылмайды.

БАЛАЛАРҒА АРНАЛҒАН КӘСІБИ ТУРНИРЛЕРГЕ ІРІКТЕУ ПАРАМЕТРЛЕРІ

ФМ ұйымдастыратын турнирлер мен фестивальдерге баланың қатысуы жаттықтырушылар штабының шешімімен және келесі шарттар сақталған жағдайда жүзеге асырылады:

1. ФМ фестивальдері мен турнирлеріне қатысу.
2. Тереңдетілген медициналық тексеруден кейін турнирлерге қатысуға жарамды екенін растайтын мінсіз денсаулық жағдайы және медициналық рұқсаттың болуы.
3. Қимыл-қозғалыс координациясының дамуы, денені сезіну, бір-біріне қарсы ойнауға бейімділік. Жаттығуларға 100% қатысу (қатысу табелі жүргізіледі).
4. Демалыс күндері баланың турнирлерге қатысуын қамтамасыз етуге дайын ата-аналардың қызығушылығы.
5. Халықаралық турнирлерге шығуға ата-аналардың дайын болуы. Баланың турнирлерге қатысуы туралы шешім ФМ жаттықтырушылар штабының айрықша құқығы болып табылады.

10. Қорытынды ережелер

- 10.1. ФМ осы Ережелерге өзгерістер мен толықтырулар енгізу құқығын өзіне қалдырады.
- 10.2. Ережелерді білмеу оларды бұзғаны үшін жауапкершіліктен босатпайды.
- 10.3. Ережелерді жүйелі түрде бұзу ФМ-ге баруды тоқтатуға негіз болуы мүмкін.